

1. პროგრამის სახელწოდება: ინგლისური ფილოლოგია

სამაგისტრო პროგრამა სტუდენტებს სთავაზობს ორ მოდულს:

1. ინგლისური ენა
2. ინგლისური ლიტერატურა

2. პროგრამის ხელმძღვანელი: სრული პროფესორი რუსუდან ენუქიძე

3. მისანიჭებელი აკადემიური ხარისხი: ფილოლოგიის მაგისტრი (ინგლისური ენა და ლიტერატურა); Ma in Philology (English Language and Literature)

4. პროგრამაზე დაშვების წინაპირობა:

- ჰუმანიტარულ მეცნიერებათა ბაკალავრის ხარისხი სპეციალობით ფილოლოგია.
- პროგრამაზე დაშვება შესაძლებელია მხოლოდ ერთიანი სამაგისტრო გამოცდის ჩაბარების შემთხვევაში.
- განსაკუთრებული მოთხოვნა: გასაუბრება პროგრამის ხელმძღვანელთან ინგლისურ ენაში, იმ სტუდენტებისათვის, რომელთაც არა აქვთ ბაკალავრის ხარისხი ინგლისურ ფილოლოგიაში
- კონკურსანტს მონაწილეობა უნდა ჰქონდეს მიღებული სამეცნიერო კონფერენციაში ერთხელ მაინც;
- სამუშაო გამოცდილება არ არის სავალდებულო.

5. სამაგისტრო პროგრამის საკვალიფიკაციო დახასიათება:

ინგლისური ფილოლოგიის სამაგისტრო პროგრამა შეიქმნა 1996 წელს ივანე ჯავახიშვილის სახელობის თბილისის სახელმწიფო უნივერსიტეტის ინგლისური ფილოლოგიის კათედრაზე. ეს პროგრამა შედგება ორ მოდულისგან: ინგლისური ენა და ინგლისური ლიტერატურა.

სამაგისტრო პროგრამის ენობრივ სპეციალიზაციაში გათვალისწინებულია კემბრიჯის უნივერსიტეტში არსებული: ა) ინგლისური ენის ფაკულტეტის და, ბ) ინგლისური ენისა და გამოყენებითი ლინგვისტიკის კვლევითი ცენტრის (Cambridge University. Faculty of English. Research Centre for English and Applied Linguistics) მაგისტრატურის პროგრამების გათვალისწინებით. თეორიული საგნების ნუსხაც დასახელებული ფაკულტეტიდან და ცენტრიდან არის გადმოღებული იმ მოსაზრებაზე დაყრდნობით, რომ ბაკალავრიატის სასწავლო პროგრამით გათვალისწინებული არცერთი თეორიული საგანი არ მეორდება მაგისტრატურის პროგრამაში.

სპეციალიზაცია ინგლისურ ლიტერატურაში ითვალისწინებს თეორიული საგნების სწავლებას ინგლისური და ამერიკული ლიტერატურის სფეროში. პროგრამა ეყრდნობა ოქსფორდის უნივერსიტეტის სამაგისტრო პროგრამას ლიტერატურის ისტორიაში.

მიზნები: მაგისტრატურის კურსი ინგლისურ ფილოლოგიაში ითვალისწინებს მაღალკვალიფიციური და მრავალმხრივი სპეციალისტების მომზადებას, რომლებსაც მაგისტრატურის კურსის წარმატებით დასრულების შემდეგ შეეძლებათ დამოუკიდებლად გააგრძელონ სწავლა და იმუშაონ სამეცნიერო დარგში როგორც ენის, ასევე ლიტერატურის სპეციალობით.

შედეგები: სამაგისტრო პროგრამის დასრულების შემდეგ საუნივერსიტეტო განათლების II საფეხურის შესაბამისი კვალიფიკაცია ენიჭებათ სტუდენტებს, რომლებსაც:

- აქვთ ცოდნა როგორც ინგლისურ ენაში, ენის თეორიაში, ასევე ინგლისურენოვან ლიტერატურის ისტორიასა და თეორიაში, რომელიც ეფუძნება და აღრმავებს ბაკალავრიატის საფეხურზე მიღებულ სპეციალურ განათლებას.
- შეუძლიათ მიღებული ცოდნის წარმატებით გამოყენება მათთვის ახალ გარემოში.
- შეუძლიათ თავიანთი მოსაზრებების საჯარო წარდგენა, მათი მკაფიო დასაბუთება.

დასაქმების სფეროები:

საელჩოებში, სახელმწიფო და კერძო სექტორის დაწესებულებებში თარჯიმნებად, ექსპერტ-ანალიტიკოსებად, კორესპონდენტებად.

მასმედია: ინგლისურენოვანი გაზეთებსა და ჟურნალებში რედაქტორებად.

სწავლის გაგრძელების საშუალება: მაგისტრს შეუძლია სწავლა გააგრძელოს დოქტორანტურაში ამავე სპეციალობით ან მომიჯნავე სპეციალობებზე.